

明清歷科進士題名碑錄

(三)

明·洪武四年至清光緒三十年

明清歷科進士題名碑錄
(一)

華文書局股份有限公司印行

續刻題名碑錄序

皇上御極之八年歲在庚戌會試廣
額至四百名余既奉

命為副考官而兼職司成因得觀諸
進士釋褐於太學尋循例刊題
名碑樹於橋門外甚盛典也考

唐進士自神龍以來杏園宴後
皆於慈恩寺塔題名他時有將
相者則朱書其下宋世進士諸
科放榜後綴行期集列叙名氏
鄉貫三代書之謂之小錄俱未
錄諸石也明自永樂二年命工

部建進士題名碑於南京國子
監十三年會試天下貢士於北
京登科考謂是年即命立石國
子監然今無有之自宣德五
年林震榜始

本朝自順治丙戌迄今豐碑林立

此者三年一增人才之盛不可
紀極是豈後備故事示觀美已
哉夫士生

聖世貴能有所樹立以垂不朽耳題
名一碑將使歷年久遠而覩其
姓氏以考其德行事功文章之

實賢不賢之蹟一，可指數焉。
是勸懲由此興法戒於是脩也。
頽碑石既多不能家拓而存之。
蔚州宗伯李渭湄先輩為國子
祭酒時爰彙錄諸碑而鏤之板。
凡若干卷迄今十有餘年士風

日益道上人女日益衆多於是
康成諸子謀所以繼李公之志
者而問叙於余。曰：是可使天
下後世之出是途者循名責實
思自樹立以無負。

國家興賢育才之盛心也爰樂為

之書其緣起如此

雍正十年歲次壬子二月上浣

經筵講官刑部左侍郎辦理吏部侍郎事仍兼管順天府府尹國子監祭酒事加三級孫嘉淦撰



翰林院修撰錢唐周霽書



進士題名碑錄序

夫學以從政臨事始不苟執古制名于後能永
傳故詩稱濟濟多士文王以寧書以君爲元首
臣爲股肱蓋一體相需而後成也沛少嗜書不
爲章句學遨游于六經諸史之間垂老策名輒
懼不能臨事

天子以

沛

尚讀儒書以少宰而兼祭酒且

命教習庶常則成均翰苑皆所執也何敢讓焉考太
學進士題名錄倡于蔚州李公逮庚戌續刻則

合河孫公序之今乙丑諸子又補刻近科所闕
敬錄


世宗憲皇帝上諭一道冠之端若康熙己未乾隆丙辰
兩科博學鴻詞姓氏咸依次編載又得明貢舉
志于錢唐王孫芸家遂增入洪武乙丑戊辰辛
未甲戌丁丑建文庚辰永樂甲申丙戌甲辰凡
九科而自有科目之制甲榜于斯乃備蓋前錄
所無也沛時方纂修國子監志覈題名碑見存
橋門外者元三碑爲本朝吳祭酒苑於啟聖祠

土中得者明七十六碑始永樂十八年李騏榜
訖崇禎十六年楊廷鑑榜或謂始於宣德五年
林震榜殆誤也其缺者惟萬曆八年崇禎十年
兩碑耳

國朝三十九碑始順治三年傳以漸榜以至今錢
維城榜往見日下舊聞及他刻皆舛誤難據于
是依各碑行列詮次分編監志第九卷可覽焉
今復續刻是錄錄與碑相爲羽翼俾科名與載
籍傳述無窮然蹟其人或臧或否或湮沒而無

可稱豈天使爲之哉蓋其自爲之耳今之君子
列是籍者當思風生虎變非徒奮爪牙于一身
而所自樹立于身之前後者是在內外匪懈以
媚一人俾繼起諸君無可指其名以爲口實其
殆庶幾嗚呼是本也良可畏哉良可畏哉

乾隆丙寅至月宗室德沛書



雍正二年十二月初四日奉

上諭國子監進士題名碑始於唐時新進
士榜後於慈恩寺塔下題名立碑自
宋明以至我朝皆建碑於國學按諸
進士甲第先後列姓名籍貫於上所
以重科名也今太學

聖廟戟門外所立本朝應科題名碑自順
治丙戌科至康熙戊戌科止攷會典
諸進士釋菜後禮部題請工部給建
碑銀一百兩交國子監立石題名康

熙三年輔政大臣裁省此典其後每
科皆諸進士捐資立石我國家振興
文教凡鄉會試動用帑金數萬朕即
位之始即開恩科誠以科目一途實
用人取士之本也題名之典豈宜遺
缺着工部動用正項錢糧令國子監
將雍正癸卯甲辰兩科題名碑即行
建立康熙辛丑科亦行補建嗣後每
科禮部仍照舊例題請庶士子觀覽
豐碑知讀書可以榮名益勵其自脩